

بتقدر تغير...

شو بعدك ناظر؟

يبدو وأن الافكار الاخلاقه اصبحت ملازمة لشباب الثورة السورية... وبس

دمشق

يا جماعة شي ما بيتصدق..

...كنت عند ساحة عرنوس، وفجأة منسمع صوت غنية الفاشوش يلا ارحل يا بشار..

كان في كتير عجة، الكل وقف ونذهل..

الناس طلعت على البلكونات.. الشرطة وقغو مذهولين وهن عم يجاولو يعرفو مصدر الصوت..

الغنية اتعادت شي تلت مرات قبل ما يحسنو يوقوها..

شكلو في بقل مسجلة متروك على شي بناية عالية من اللي عم يطلو على الساحة لأتو الصوت كان

جاية من هونيك وكثير عالي..

بس ذهول الناس كان لا يوصف.

أكثر شي لفت نظري، الشي اللي شفتو أنا يمكن، هو مقدار الابتسامات الخفية على وجوه العالم، نسوان

كبار وصغار ورجال وختايرة .

والأمن كان بحالة جنونية عم يركض مو عرفان شو

بدو يساوي .. حاملين عصي و راكضين .. يمكن رايحين يضربو الصوت !!!

مشاركات فضفض...

صديق مقرب أرسل لي يقول بحسن نية: شكرا لوقوفك معنا في هذه الانتفاضة!!

حقيقة لم أفهم (الننا) في معنا على من تعود ولكن من باب العلم بالشيء فقط

أقول:صديقي..أنا مواطنة سورية وهذه الثورة هي ثورة كل السوريين..ثورة المواطنة والكرامة

والحرية..إذا كنت تراني (علوية) تساند ثورة (السنه) فاسمح لي أنت لاختلاف كثيرا عن النظام..

رشا

أعاب؟؟

أيه.. روبوتات بس صناعة وطنية مبرمجة تهتف وتصفق وتتحدى كل شي، من دون ما يحسو او يخافو أو حتى يتوجمو مالون لا معارف بيحبون ولا

اهل تعبو لربون سامحوني مالي أحسن منكم بس التعرف عالمشكلة أول مرحلة بالحل

حبيباتي المشكلة اللي تعرفت عليها اليوم أنو لساتنا من جماعة "من بعد حماري ما ينبت

حشيش"

يموتو ولاد العالم كلون.. آيه ما بيهون علي بس كلون.. ولا أبني، البلد بدا رجال لتبنيها.. والثوار

لازم يكونو رجال وشجعان وبيضحو..بس يعني مو شرط تكون التضحية على حسابي أو ولادي.

وأخواتي كمان يعني بلاها مشاركتون..بتكمل الثورة بدونون، أنا وأهلي وحبابي وصحابي

ووعمري وراحتي ومستقبلي و..و..و..ي..و..ي

وكلشي في بيا ملكيلة المتكلم ومن بعدنا الطوفان سلامتي بسوى الثورة من اولها لأخرها.. ضفر

ابني إلى من البلد باللي فيه لا تقهوننا غلط.. نحن ما ينطبق علينا "مالكم إذا قبل لكم انفروا

في سبيل الله اناقلتم إلى الأرض" لا..وانما من كرم أخلاقنا ومحبتنا للجماعة تركنالكون فضل

الجهاد وبعدنا لتنفحلكون مجال وماناخذ فرصتكون من منطلق "ويؤثرون على أنفسهم ولو

كان بهم خصاصة"

والسلام

RaNa Omrira

من هنا وهناك...

قاع مدينتي لم يذهب عميقا في الفساد سابقا ..يمكن تصنيفه بالعادي للاخطر ويمكن تجنبه بسهولة.

...اليوم تحول إلى بؤرة من الفساد والخطر ...الجميع لا يكثر لذلك علما أن نتائجه على الكل سيئة وعواقبها تزد بالإنفجار في كل لحظة

هذا يتم تحت أنظار رجال الداخلية كافة مما يعني أن الفساد والمجرم وقاطع الطريق و...و...و...

الذي يمتلك هذه الشهادات ليصبح شبيحا هو المواطن الصالح الذي يشكل اللبنة الأولى في بناء

المجتمع ..أما نحن فلقد خرجنا عن القانون وعلينا أن نختار بين وطن القبر ..أو وطن السجن ...أو

وطن الغربة ..ويع ظل هذا الواقع المصطنع أليس من الأفضل إلغاء وزارة العدل وتحويل ميزانيتها إلى

حوافز وطبيعية عمل للشبيحة وأولاد الش...ب/ر
منقول

مشاركات فضفض...

فكرت كثير أنو ليه ثورتنا اخدت كل هالوقت ولسا قبل ما تحقق واحد من أهدافنا الأساسية..واللي

هو اسقاط النظام

من بعد حماري ما ينبت حشيش

وأنا قول رب العالمين أدري..وبس نستاهل النصر ماديا ومعنويا عملا وخلقاً وإيماناً..الله بيرزقتنا

يا، بس اليوم اتفرقت بواحد من الأسباب اللي برأيي عم تأخرنا وتمد بعمر هالنظام المتهالك

...قال شو.. ماكان لازم يرجعوا علي بيوتون بعد الإحياء هلق لازم كل العالم تطلع فوراً عالعباسيين

والأمويين

ولو كل الجيش عالجواجز مالازم يخافو.. لازم يتحركو ويكونوا على قلب واحد، لك ما يصير

يتراجعو.. لازم ما حدا يقوت على بيتو والكل يقو بالشوارع لحتى يأسقطو النظام.

أوكيه ماما شكراً لجماسك وحسك الوطني العالي على قولة رئيسنا "مداح نسو": (كلام جميل!)

بس شو مشان أنو هالحكي عم يمشي بسرعة الصوت مفادرا هالغرفة.. ولا كأنو انقال فيها قبل

ثواني، ليه لما بابا قرر ينزل تغير رأيك؟..وين تبخرت هالعبارات وأنا عم شوق أخى؟

ليه لما جهزت تيابي صارت الطلعة جنان وتهور؟؟

لك قبل شوي كان لازم كل سوريا نسوان ورجال وشيوخ وولاد لازم تطلع، شلون هلق صار ليس على

المرأة جهاد؟؟ لاء وطلعتا حرام!؟

ماما حبيبتي مو المشكلة فيكي المشكلة طريفة تفكير أنانية مابعرف ربيتنا ولا تعودنا عليها..ولا

هي بفطرتنا، وانت بابا ..ما تفكر أنو إذا ما جبت سيرتك يعني انت أشطر وماعندك نفس

النوازق..ولو أقل، طيب الحق معكون بس خدوني على أد عقلي، يعني إذا كل واحد بدو يخاف على

حالمو وولادو وماضيه ومستقبلو، والدنيا والأخرة والبيت والسيارة... بالله ليه هالثورة لكن؟

خلينا قاعدين وكل واحد مضبوب بيتو أسترلو! يعني بأي منطلق لازم يطلعو؟؟.. ولاد مين هدول

اللي لازم يطلعو؟

ماكان لازم يتصرفو.. بالله شو حجار شطرنج هنن ليقو مثل الأصنام ادام الرصاص؟

قهوة الصباح.. صحح معي شوي..

يبدو وأن المزاد بدأ ينفض، اخيراً قررت جامعة الدول العربية ان تعقد اجتماعاً لبحث

الوضع في سوريا ومع ان هذا الاجتماع جاء متأخراً جدا ونحن لا نتوقع ان يرتقي الى

مستوى الدماء التي ضحى بها الشعب السوري لنيل حريته ولكن ان تأتي متأخراً خير من ان

لاتأتي أبدا.

ثم ان ايران بدأت على ما يبدو وبحكم مصالحها المتشعبة مع جيرانها ومع العالم

تغيير من لهجتها وترسل رسائل غير مباشرة لهذا النظام بأن عليه ان يحترم ارادة

شعب...وتحقيق مطالبه، لم يبق من يساند هذا النظام على ما يبدو سوى اسرائيل التي

بدأت تظهر قلقها بعد أن نامت ولدة ٤٠ عاما في العسل حتى انها لم تجري عملية صيانة

واحدة للسياج التي بنته في الجولان المحتل منذ عام ١٩٧٣.

بالاضافة الى اسرائيل نسمع حسن نصرالله يلقي خطايا متشجنتجا ويزاود على اهل

النظام السوري ويعلم استعدادة للدفاع عنه، كيف لا وهو يعرف تمام المعرفة انه والنظام

السوري "رجلين بكسر الجيم في فلكة واحدة" فتحول الموقف الايراني سوف يطال هذا

الحزب كم يطال النظام السوري..

بالاضافة الى كل هذه المواقف والتي تبدو متسارعة في الفترة الاخيرة فإن حفاظ هذا

الشعب على سلمية ثورته وعدم الانزلاق في اي حفرة او مطب حاول النظام ان يزرعه في

طريقه واظهاره نوعي كبير بكل ما يجري من حوله كل هذه العوامل بدأت تصيب هذا

النظام بالجنون أو الاصح تزيد جنونه.

فما الاعمال القذرة والانتهاكات التي يمارسها مؤخرا والتي طالت كل ما يعتبر قيمة للشعب

السوري دينية كانت او ثقافية او اجتماعية لهو دليل على ان هذا الوحش قد اصيب في مقتل

وهو ينازع عله يبيقي على رمق للحياة في عروقه ويغيب عن ادراكه ان هذا الشعب العظيم لن

يتراجع بعد ان دفع الكثير وهو على استعداد لأن يدفع اكثر في سبيل حريته وكرامته...وبس